

## სამეურნეო შუროალი

# მოსავალი

(იბეჭდება ორ კვირაში ერთხელ)

ჟურნალის ფასი წელიწადში . . . 3 მან. || რედაქცია: კავკასიის სამეურ. საზოგადოება  
თითო ნომერი ხელზე გასასყიდად . 10 კაპ. || ადრესი: Тифлиზь, Варятинская, № 5.

### წელიწადი მთლიანად


1910 წელიწადი.—14 ივნისი.—№ 12.

### შინაარსი

ვ. რცხილაძე . . . . .	კანონი . . . . .	3
ნ. გულბათიშვილი . . . . .	ხიდაგი . . . . .	10
კ. გვარამაძე . . . . .	წერილი სამეცნიეროდან . . . . .	14

### საყურადღებო ცნობები:

განათმეობრივი ჟურნალის გაწმენდა . . . . .	15
დაყენებული დანა-ხანგლივი გაწმენდა . . . . .	15
მუხის ღაჭის ამოყვანა ტილოდან . . . . .	16
განცხადებანი . . . . .	16



# სამეურნეო ურნალი

## მოსავალი

(იბეჭდება ორ კვირაში ერთხელ)

წარსულ წელს ურნალში დაიბეჭდა წერილები შემდეგი პირებისა:—  
პ. ავერკინისა, ა. აფხაზისა, აგრიკოლასი, ვ. ახოშვილისა, ვ. ახლაძესი ლ. გოგნიევისა, ვ. გულბათიშვილისა, დ. გორთაშაშვილისა, შ. დედაბრიშვილისა, ელქესი, ზ. ედილაშვილისა, მ. ზაალიშვილისა, ა. თამაშვილისა, ე. იოსელიანისა, დ. კანჩიერისა, ე. კარბელაშვილისა, პ. ლორთქიფანიძესი, დ. მდივანისა, ს. მგალობლიშვილისა, მ. შალვაშვილისა, ნ. შაქარაშვილისა, ვ. შტედილიშვილისა, მ. შამულაშვილისა, გ. ნახუცრიშვილისა, ც. ნ., ი. პაატაშვილისა, ვ. რეხილაძესი, მ. სემიონოვისა, პროფ. ა. ფორტუნაგოვისა, ვ. შ — ელისა, ი. წინამძღვარიშვილისა, ს. ხუნდაძესი, ე. ხრამელაშვილისა, მ. ჯანაშვილისა, ი. ჯორჯაძესი და რამდენიმე წერილი სელმოუწერელი.

რედაქცია მოელის სხვებიდაგნაც თანამშრომლობის სურვილის გამოცხადებას.

რედაქციასთან ტერმინების შესამუშავებლად არსებობს კოლეგია, რომლის კომპეტენცია რედაქციას სავალდებულოა აქვს თავისთვის მიღებული იმ იმედით, რომ გარემოება იგი ერთის წხრით გამბედაობასა და სიმშვიდეს მისცემს შრომაში ყველა იმათ, ვინც ქალაქ გარედ სცხოვრობენ და არ შეუძლიანთ რედაქციასთან პირისპირ შეთანხმება რომელიმე ტერმინის ხმარების შესახებ, და მეორეს წხრით მისცემს ქართულს ენას მეცნიერებათა ყველა დარგში გარკვეულ სახიერებას.

**კოლეგიაში მუშაობით მოწვეულ არიან:** გოგებაშვილი ი., სარაჯიშვილი ა., ჯანაშვილი მ., თაყაიშვილი ე., იოსელიანი ე., გულისაშვილი შ., ყიფშიძე გ., ჯაბადარი ი., კარიკაშვილი დ., ბილანაშვილი შ., დედაბრიშვილი შ., ლამბაშიძე ვ., ალაძე ი., გულისაშვილი მ.

### თანამშრომელთა საშუალებოდ.

ურნალის შემოსავლიდან გაისტუმრება ხარჯი სტამბისა და კანცელარიისა, დანარჩენი (თუ რამე დარჩა) წლის დამლევს დაურიგდებათ თანამშრომლებს პროპორციულად მათი ნაშრომისა.

დასაბეჭდად მიღებული წერილები შეიძლება რედაქციამ შეასწოროს და შეამოკლოს. წერილები და კორექსონდენციები, რომელნიც არ დაიბეჭდებიან, არც შეინახებიან დასაბრუნებლად.

რედაქცია მზათ არის აღმოუჩინას „მოსავლის“ მკითხველებს ყოველ გვარი შეუამავლობა სამეურნეო იარაღებისა და მაშინების და აგრედვე ყველა სამეურნეო ნაწარმოების შექმნა-გასაღებაში.

**განცხადებები** დაიბეჭდება მხოლოდ უკანასკნელ გვერდზე. ჩვეულებრივი სტრიქონი (ვენური ან აკადემიური ასოთი) განცხადებისა ღირს **ორი შაური**. წლიურ აბონემენტებისათვის განცხადების ფასი რედაქციასთან შეთანხმებით. განცხადების ფასი წინდაწინვე უნდა იყოს წარმოდგენილი.

წლის დამლევს ხელისმომწერლებს **საჩუქრად დაეგზავნებათ რჩეული თესლეულობა** სხვადასხვა სამეურნეო მცენარეთა საუკეთესო ჯიშებისა.

აგრედვე, თუ შეიძლება ექნება რედაქციას, ურნალის ხელისმომწერლებს **გაუგზავნის უფასოდ დამატება-ბროშურას** მეურნეობის რომელიმე დარგის შესახებ.

**შურნალი წელიწადში ღირს 3 მანეთი.**

რედაქციის ადრესი: **თიფლის, Барятинская, 5. «МОСАВАЛИ».**

**რედაქტორ-გამომცემელი მ. ი. რეხილაძე**

# კ ა ნ ო ნ ი

შესახებ ფილმსარისა და ვინახების ყველა სხვა დამაზარა-

ლზელ სენთა წინააღმდეგ ბრძოლისა

მიღებული სახელმწიფო საბჭოსა და სახელმწიფო სათათბიროსაგან და  
დამტკიცებული ხელმწიფე იმპერატორისაგან 21 აპრილს 1910 წელს.

## თავი I.

I ნაცვლად არსებული სასოფლო-სამეურნეო წესდების მუხლებისა (კრ. კან. ტ. XII, ნაწ. 2., გამ. 1903 წ. და შემდეგ გაგრძ. 1906 წ. და 1908 წ.) და სხვა კანონმდებლობისა მაგიერ მიღებულ იქმნას:

1. საზოგადო გამგებლობა ვახის სატკივართა წინააღმდეგ ზომების მიღებაში და აგრედვე მევენახეობისა და მეღვინეობის მიმართ ყოველგვარ დახმარების აღმოჩენაში სავენახე რაიონებში გარდაეცემა მიწათ-მოწყობის და მიწათ-მოქმედების მთავარ სამართველოს მიწათ-მოქმედების დეპარტამენტს.

**შენიშვნა.** სავენახე რაიონებთ ითვლებიან გუბერნიები: ბესარაბიისა, პოდოლსკისა, ხერსონისა, ეკატერინოსლავისა, თავრიზისა, ასტრახანისა და სტავროპოლისა; ოლქები: დონისა, ურალისა, ზაკასპიისა, სირ-დარიისა, ფერგანისა და სამარკანდისა და კავკასია.

2. სავენახე რაიონებში, სადაც ერობა არსებობს, I მუხლით განსაზღვრული ზომების მაღება გარდაეცემა საერობო დაწესებულებებს, თუ ეს უკანასკნელნი მოისურვებენ. ამ შემთხვევაში საერობო დაწესებულებანი ნა-

კისრებ მოვალეობის ასასრულებლად აარსებენ მევენახე-მეღვინეთა კომიტეტებს: საგუბერნიოს, საოლქოს და სამაზროს.

საგუბერნიო და საოლქო კომიტეტები არსდებიან თანახმად გუბერნიის საერობო კრებულის დადგენილებისა. თითოეული საოლქო კომიტეტი მოქმედობს ერთდაიგივე გუბერნიის ორს ან ორზე მეტ მაზრაში. სამაზრო კომიტეტები არსდებიან მაზრების საერობო კრებულთა დადგენილებებით თანახმად გუბერნიის საერობო კრებულის გარდაწყვეტილებისა. გუბერნიისა და მაზრების საერობო კრებულთა დადგენილებანი შესახებ ამისა გარდაეცემიან გუბერნატორს მიწათ მოწყობის და მიწათ მოქმედების მთავარმართველის წინაშე წარსადგენად, რომელიც ამ დადგენილებებს წარუდგენს სენატს საჯაროდ გამოსაცხადებლად.

3. ზემო აღნიშნულ (მუხ. 2) კომიტეტებში ითვლება იმდენ-იმდენი წევრი, რამდენსაც საერობო კრება დაადგენს. კომიტეტი შესდგება იმ პირთაგან, რომელთაც საერობო კრება აარჩევს თავის წევრთა შორის, სასოფლო-სამეურნეო და საბაღოსნო წარმომადგენელთაგან, რომელთაც ეს საზოგადოებანი არჩევენ და ადგილობრივი ბაღ-

ვენახების პატრონთაგან, რომელთაც საერობო კრება მოიწვევს. ამათ გარდა კომიტეტში შედიან წევრებათ ის პირნი, რომელთაც დანიშნავენ მიწათ მოწყობის და მიწათ მოქმედების მთავარი მართველი და შინაგან საქმეთა მინისტრი თავთავიანთ საგამგებლო დაწესებულებების წარმომადგენლებათ.

კომიტეტის თავმჯდომარეს საერობო კრება არჩევს.

4. სავენახე რაიონებში, სადაც ერობა არ არის შემოღებული, და აგრედვე იქ სადაც ერობა თუმცა არის, მაგრამ საერობო კრებამ არ იკისრა 2 მუხლით განსაზღვრული მოვალეობანი, მევენახე-მეღვინეთა კომიტეტები არსდებიან თანახმად იმ განკარგულებისა, რომელსაც მიწათ მოწყობის და მიწათ მოქმედების მთავარი მართველი მოახდენს. ეს კომიტეტები, რომელთ თავმჯდომარეებს იგი მთავარი მართველი ნიშნავს, შესდგებიან: მიწათ მოწყობის და მიწათ მოქმედების სამართველო დაწესებულებათა და ადგილობრივი სახელმწიფო დაწესებულებათა წარმომადგენლებისაგან, რომელთაც ნიშნავენ ამ ორივე გვარი დაწესებულებათა უფროსნი; საერობო ადგილობრივ დაწესებულებათა 2 სასოფლო-სამეურნეო საბაღოსნო საზოგადოებათა წარმომადგენლებისაგან, რომელთაც თვით ეს დაწესებულებანი და საზოგადოებანი არჩევენ, ხოლო რიცხვით იმდენს, რამდენსაც მიწათ მოწყობის და მიწათ მოქმედების მთავარი მართველი დაინახავს საჭიროდ, და იმ პირთაგან ადგილობრივ ბალ-ვენახების მფლობელთა შორის, რომელთაც იგივე მთავარი მართველი არჩევს.

თითოეული კომიტეტის შემადგენელ წევრთა რიცხვის განსაზღვრა და აგრედ

დვე განსაზღვრა კომიტეტის სამოქმედო რაიონისა მიწათ მოწყობის და მიწათ მოქმედების მთავარ მართველს აქვს მინიჭებული, ხოლო ერთის იმ პირობით რომ ადგილობრივ საზოგადოებათა და საზოგადო დაწესებულებათა და ბალ-ვენახების მფლობელთა წარმომადგენელნი ერთად კომიტეტის საერთო წევრთა რიცხვში ნახევარზე ნაკლებს არ შეადგენდნენ. იგივე მთავარი მართველი განსაზღვრის რამდენი წევრი უნდა დაესწროს კომიტეტის კრებას, რომ კრება კანონიერად ჩაითვალოს.

**შენიშვნა:** კავკასიის გუბერნიებში და ოლქებში მევენახე-მეღვინეთა კომიტეტებს აარსებს ამ მუხლში აღნიშნულ საფუძვლებზე მიწათ-მოწყობის და მიწათ მოქმედების მთავარი მართველი კავკასიის ნამესნიკთან შეთანხმებით.

5. მევენახე-მეღვინეთა კომიტეტებს (მუხ. 2 და 4) აქვთ უფლება მიიწვიონ თავიანთ კრებებზე სხვადასხვა კითხვების გარდაწყვეტის დროს რჩევის მისაცემათ ის გარეშე პირნი, რომელთაც ამ მიზნით თვით კომიტეტი იცნობს სასარგებლოთ. მიწვეული გარეშე პირნი ხმის ჩამოტარებაში მონაწილეობას არ ღებულობენ.

6. სავენახე რაიონების (მუხ. 1, შენიშ.) გარეშე ადგილებში საზოგადო ხელმძღვანელობაც და პირდაპირი გამგებლობაც ბალ-ვენახების დამახარალებელ სატკივარ სენთა წინააღმდეგ ზომების მიღებაში და ბრძოლაში მიწათ-მოქმედების დეპარტამენტს მიენდობა მიწათ მოწყობის და მიწათ მოქმედების სამართველოში.

7. ყოველივე ზომის მიღება ფილოქსერის და ვაზის ყველა სხვა დამაზარალებელ სენთა აღმოჩენაში და მათ წინააღმდეგ ბრძოლაში მევენახე-მელვინეთა კომიტეტებზე (მუხ. 2 და 4) არის დავალებული.

8. მევენახე-მელვინეთა კომიტეტებს (მუხ. 2 და 4) ეძლევათ უფლება თავისით დანიშნულ კაცებს გააჩხრეკინონ: 1) ვენახები ფილოქსერისა და სხვა მაზარალებელ სენთა აღმოსაჩენად, 2) საბაღოსნო დაწესებულებანი, რომელნიც მცენარეებით ვაჭრობენ დასარწმუნებლად რომ ამ დაწესებულებებში ვაზები არა აქვთ და არც ფილოქსერა და სხვა ისეთი რამ მაზარალებელი სენია, რომელიც ვენახებს შეიძლება გადაედოს, და 3) სხვაგანადან გამოწერილი მცენარენი ან მათი ნაწილები, რომელნიც ისეთ ადგილებში უნდა მიიტანონ, სადაც საზოგადოდ მცენარეების შეტანა ნებადართვებულად აკრძალულია.

9. კომიტეტს შეუძლიან, თუ საჭიროდ დაინახა, განაჩენი შეადგინოს როგორადაც ფილოქსერით დაავადებულ ვენახის ისე მის მეზობლად მდებარე ვენახების, ცალკე ვაზების ან სხვა რომელიმე მდგარი ვენახში ან ბაღში მცენარეების ამოგდებისა და მოსპობის შესახებ. შემდგარი განაჩენის პირი უნდა გაეგზავნოს მამულის პატრონს, რომელსაც ეძლევა უფლება განაჩენის მიღების დღეიდან ერთი თვის განმავლობაში საჩივარი აღძრას მიწათ მოწყობის და მიწათ მოქმედების მთავარ მართველის წინაშე. ეს საჩივარი უნდა წარდგენილ იქმნეს მევენახე-მელვინეთა კომიტეტში, რომელსაც უჩივიან, და კომიტეტი მოვალეა სა-

ჩივრის მიღების დღეიდან ორი კვირის განმავლობაში თავის მოხსენებასთან ერთად წარუდგინოს იგი მიწათ მოწყობის და მიწათ მოქმედების მთავარ მართველს განსახილველად. მთავარ მართველს შეუძლიან, თუ საჩივარი საფუძვლიანად იცნო, კომიტეტის დადგენილება გააუქმოს ან შესაფერად შეცვალოს.

10. ყველა სავენახე რაიონები ფილოქსერის მხრივ ორ რიგათ იყოფიან: **სალი** ანუ **უშიშარი** მდგომარეობის რაიონი და **დაავადებული** ანუ **საშიშარი** მდგომარეობის რაიონი. საღ რაიონათ ითვლება ის, სადაც ფილოქსერა არ არის აღმოჩენილი, დაავადებულათ—სადაც ფილოქსერა უკვე ნაპოვნია. დაავადებული რაიონებიც იყოფიან ორ რიგათ: ა) **საიმედო რაიონი** და ბ) **უიმედო**. საიმედო რაიონათ ითვლება ისეთი დაავადებული ფილოქსერისაგან რაიონი, სადაც ვენახების გადარჩენა კიდევ შეიძლება სხვადასხვა ზომების ხმარებით უიმედო რაიონათ კიდევ ითვლება ისეთი, რომლის გადარჩენა ფილოქსერისაგან აღარასგზით აღარ შეიძლება და ყოველი ზრუნვა ამ აზრით ამო იქნება.

11. საშიშარი და უშიშარი მდგომარეობის რაიონების ერთი ერთმანეთისაგან გამოცალკევება და აგრედვე საშიშარი ადგილების საიმედო და უიმედო ნაწილების განსაზღვრა-გაცალკევება ადგილობრივ კომიტეტებზეა დამოკიდებული. ხოლო კომიტეტის ყოველი დადგენილება ასეთის გაცალკევების შესახებ უნდა წარდგენილ იქმნეს დასამტკიცებლად მიწათ მოწყობის და მიწათ მოქმედების მთავარ მართველის წინაშე.



12. საშიშარ მდგომარეობაში ყოფილ ადგილებიდან უშიშარ მდგომარეობის ადგილებში და აგრედვე საშიშარ მდგომარეობის უიმედო ადგილიდან საიმედო ადგილში გადატანა ორი წლის ნახარები ნამყენებისა და რქებისა ან ამაზე უფრო მეტი ხნის ვაზის ნაწილებისა და აგრედვე ჭიგოს, სარის და სხვადასხვა იარაღების გადატანა აკრძალულია. ხოლო სხვა მცენარეების გამოტანა და აგრედვე ერთი წლის ვაზის რქების გამოტანა შეიძლება, თუ კომიტეტისაგან ან მის წარმომადგენლისაგან მიიღებენ მოწმობას, რომ ხსენებულ მცენარეების და იარაღების გადატანით ფილოქსერის გავრცელების არავითარი შიში არ იქნება.

13. იმ ადგილებში, სადაც ფილოქსერა ისე ძალიანა არის მოდებული, რომ აღარა ეშველება რა და ამისა გამო ადგილის დაცვას აზრი აღარა აქვს, ვაზის ნამყენების და რქების (მუხ. 12) წაღებ-წამოღების აკრძალვაც მეტი იქნება. ხოლო ის ადგილები კი, სადაც ფილოქსერა არის, მაგრამ ჯერ კიდევ იმედია მის მოსპობა, დაცულნი უნდა იყვნენ და ნამყენების, რქების და ვაზის ყველა სხვა ნაწილების და აგრედვე ჭიგოსა და ვენახში სახმარებელი იარაღების წაღებ-წამოღება უნდა აიკრძალოს.

14. დაცულ ადგილებში ნამყენების, რქის და ვაზის სხვა ნაწილების წაღებ-წამოღება შეიძლება მხოლოდ იმ წესის თანახმად, რომელსაც კომიტეტი შეიმუშავებს და გამოაცხადებს.

15. მიწათ მოწყობის და მიწათ მოქმედების მთავარ მართველს შეუძლიან თანახმად კომიტეტების მოხსენებისა აკრძალოს წაღებ-წამოღება იმ

საგნებისა, რომელნიც 14 მუხლში არიან მოხსენებულნი და აგრედვე ყურძნის და მტევნის ყველა სხვა ნაწილების გადატანა ერთი სადი რაიონიდან, მეორე სადი რაიონში და აგრედვე ფილოქსერით დაავადებულ, მაგრამ ჯერ კიდევ საიმედო, დაცულ ადგილში.

16. დაცულ ადგილში კომიტეტებს შეუძლიანთ აკრძალონ დროებით—გარდაწყვეტილი ხნით—იმ ვენახებში, სადაც ფილოქსერას სპობენ ან სპობდნენ, ვაზისა და სხვა მცენარეების დარგვა-დამუშავება.

ამგვარ ვენახის ახლოს—განსახლებულ კომიტეტისაგან მანძილზე—კომიტეტს შეუძლიან აკრძალოს ნიადავის დამუშავება, საქონლის საძოვარზე გაშვება, ახალი ვენახის გაშენება, ერთი მამულიდან მეორეში სამუშაო იარაღების შეტან-გატანა.

17. მცენარეები და მათი ნაწილები და აგრედვე სხვა საგნები, ისეთი საგნების ვარდა, რომელნიც არ იწვიან, რომელთ წაღებ-წამოღება აკრძალულია (მუხ. 12—16), თუ მოასწრეს მათ გატანაში ნებადაურთველად, უნდა წაერთვას და დაიწვას. ლითონებსა და სხვა საგნებს, რომელნიც არ იწვიან, დეზინფექცია უნდა გაუკეთდეს პატრონის ხარჯზე და ისე დაებრუნოს პატრონს.

18. კომიტეტები და მათ მიერ დანიშნული პირნი და აგრედვე პოლიცია მოვალენი არიან თვალყური ადევნონ, რომ ფილოქსერისა და ვაზის სხვა სატკივარ სენტა წინააღმდეგ ბრძოლა წესიერად მიმდინარეობდეს. ადგილობრივ პოლიციის მოსამსახურე პირნი კომიტეტების პირველსავე მოთხოვნით მოვალენი არიან ყოველი ღონისძიება

იხმარონ, რომ კომიტეტების განკარგულებანი დაუყოვნებლივ სრულდებოდნენ. სავალდებულო დადგენილებების დარღვევისათვის დამნაშავის პასუხისგებაში შიცემა და სასამართლოს წინაშე დანაშაულის დამოწმება როგორც პოლიციის ისე ადგილობრივი კომიტეტების და მათ წარმომადგენლების მოვალეობას შეადგენს.

19. კომიტეტების მიერ 7,14,16 მუხლების ძალით მიღებული სავალდებულო დადგენილებანი წარედგინებიან გუბერნატორს, რომელიც თუ ამ დადგენილებების გამოაცხადების წინააღმდეგ მიზეზს არას მოიტანს, გამოაცხადებს მათ საქვეყნოდ თანახმად საზოგადო საგუბერნიო დაწესებულების 424 მუხლისა.

თუ გუბერნატორმა ვერ სცნო შესაძლებლად ამ სავალდებულო დადგენილებების გამოაცხადება, წარადგენს მათ მიწათ მოწყობის და მიწათ მოქმედების მთავარ მმართველის წინაშე, რომელზედაც იქნება დამოკიდებული დართოს ნება მათ გამოქვეყნებაზე თუ არა.

20. საჩივარი წინააღმდეგ კომიტეტისაგან შემუშავებულ სავალდებულო დადგენილებისა წარედგინება მიწათ მოწყობის და მიწათ მოქმედების მთავარ მართველს დადგენილების გამოაცხადების დღიდან ერთი თვის განმავლობაში, თუ დადგენილება იგი გამოაცხადებული იყო საჯაროდ, და თუ გამოაცხადებული არ ყოფილა, მაშინ ერთი თვის განმავლობაში იმ დღიდან, როდესაც განკარგულება ან დადგენილება იგი სისრულეში იყო მოყვანილი.

21. მიწათ მოწყობის და მიწათ მოქმედების მთავარ-მართველის განკარ-

გულებანი და დადგენილებანი 4 და 15 მუხლების ძალით და აგრედვე მის მიერ დამტკიცებული მევენახე-მეღვინეთა კომიტეტების დადგენილებანი მე-11 მუხლში მოხსენებულ საგნების შესახებ უნდა გამოაცხადებული იყვნენ საქვეყნოდ სენატის საშუალებით.

## თავი II

ნაცვლად, შესავსებათ ან შესაცვლელად საბაჟო (ტამოუნის) წესდების 135 და 786 მუხლებისა (კრ. კან., ტ-VI, გამ. 1904 წ.), მაგიერ 62 და 232 მუხლებისა მათი შენიშვნებითურთ საზოგადო საბაჟო ტარიფის შესახებ დებულებისა ევროპიელ სახელმწიფოებთან ვაჭრობაში (კრ. კან., ტომი VI, გამოც. 1906 წ.) და სხვა ამგვარ კანონმდებლობათა შესახებ დადგენილი იქნეს:

1. ცოცხალი მცენარეების შემოტანა რუსეთში ვაზის გარდა ევროპის ყველა კუთხეებიდან შეიძლება და აგრედვე იმ ქვეყნებიდანაც, რომელნიც თუმცა ევროპას არ ეკუთვნიან, მაგრამ იქიდან შემოტანას შესაძლებლად იცნობენ მიწათ მოწყობის და მიწათ მოქმედების მთავარი მართველი და ფინანსთა მინისტრი. მიწათ მოწყობის და მიწათ მოქმედების მთავარ მართველს, თუ საჭირო იქნება, შეუძლიან მოითხოვოს, რომ საზღვარ გარეთიდან მოსულ მცენარეებს დეზინფექცია გაუკეთონ, აგრედვე უჩვენონს სად უნდა მოხდეს ეს დეზინფექცია და რა წესით.

**შენიშვნა:** ცოცხალ მცენარეებს ეკუთვნიან მთელი მცენარე და მისი ნაწილებიც და აგრედვე სანერგეთ აჭრილი ღეროები და ტო-



ტები. არ ჩითვლებიან ცოცხალ მცენარეებათ შეფოთლილი ტოტები, ფოთლები და ყვავილები და აგრედვე ნაყოფად გარდაქცეული მცენარის ძირები მიწა მოშორებული და გასუფთავებულნი.

2. საზღვარ გარეთიდან მოტანილ მცენარეებს უნდა საიდანაც არიან გამოგზავნილნი, იქაურ ადგილობრივ მართველობისაგან ან საფილოქსერო დაწესებულებისაგან, მოწმობა ჰქონდეთ გამოყოლებული დასამოწმებლად:

ა) რომ გამოგზავნილი მცენარენი იგზავნიებიან შემოღობილი ადგილიდან, რომელიც ვაზებიან ადგილიდან არანაკლებ ოც მეტრზეა დაშორებულია და ამ ვაზებიან ადგილიდან ისეა მოშორებული, რომ ადგილობრივი სამართველოს დაწესებულების აზრით ფილოქსერა ამ ვაზებიდან ვერას გზით ვერ გადავიდოდა იმ ადგილზე, საიდანაც მცენარეებია გამოგზავნილი;

ბ) რომ იმ ადგილზე, საიდანაც მცენარეებია აღებული, ვაზი არა ღვა;

გ) რომ იქ არც საწყობია ვაზებისა ან ვაზის რქებისა გამართული, და

დ) რომ თუ იმ ადგილზე, საიდანაც მცენარენი იგზავნიებიან, წინად ოდესმე ყოფილა ფილოქსერით დაავადებული ვაზები, ძირიან-ფესვიანათ ამოუღიათ, ნიადაგი მოუწამლავთ და შემდეგ სამი წლის განვავლობაში უშინჯიათ და დარწმუნებულან რომ ნიადაგში აღარც ფესვებია ვაზისა ჩარჩენილი და ფილოქსერაც სრულებით გამქრალა.

3. მცენარეების გამოგზავნისაგან მის მიერ ხელ მოწერილ და მცენარეებთან

ერთად გამოყოლებულ ქალაქში (მუხ. 2) უნდა იყოს აღნიშნული:

ა) რომ რაც გამოგზავნილია, ყველაფერს თავის მამულიდან ან სამრეწველოდან გზავნის,

ბ) სად გზავნის და ვის სახელზე,

გ) უნდა მოწმობდეს, რომ გამოგზავნილ საქონელში ვაზი არ ურევია,

დ) რომ გამოგზავნილ საქონელში მიწაგაუშორებელი მცენარეები არ არის გარეული.

4. ცოცხალ მცენარეების გამოსავზავნათ იმ ადგილებიდან საზღვარ გარეთ, რომელიც ევროპას არ ეკუთვნიან, თან გამოსაყოლებელი მოწმობა უნდა რუსეთის იმპერატორის კონსულიდან იყოს მიღებული.

5. მცენარეების გადასატანად ერთი ნავთსადგურიდან მეორეში, როდესაც ორივე ნავთსადგური რუსეთში არიან ხოლო ერთი ერთ ზღვაზეა, მეორე—მეორეზე პირველისაგან ხმელეთით მოშორებული, საგზაო მოწმობას (მუხ. 2) იძლევიან ადგილობრივი კომიტეტები ან და მიწათ მოწყობის და მიწათ მოქმედების სამართველოს ადგილობრივი დაწესებულებანი (განყ. I, მუხ. 6.)

6. საიმპერატორო ბოტანიკურ ბაღს ქ. პეტერბურგში, უნივერსიტეტებს და აგრედვე მიწათ მოწყობის და მიწათ მოქმედების მთავარ მართველის ნების დართვით სხვა სასწავლებლებსაც და სასოფლო-სამეურნეო დაწესებულებებს ცოცხალი მცენარეების გამოწერა და მიღება უმოწმობათ (მუხ. 2) შეუძლიანთ ყველა ადგილებიდან საზღვარ გარეთ.



7. შემოტანა რუსეთში ვაზის რქებისა და ნამყენებისა საზღვარ გარეთიდან უნდახდებოდეს მიწათ მოწყობის და მიწათ მოქმედების მთავარი მართველისაგან ფინანსთა მინისტრთან შეთანხმებით დანიშნულ საბაჟოებზე (ტამოჟნებზე) გამოტარებით, ადგილობრივი კომიტეტების ნების დართვით, სადაც<sup>1</sup>ეს კომიტეტები არსებობენ, და სადაც არა, იქ მიწათ მოწყობისა და მიწათ მოქმედების სამართველოს ადგილობრივ დაწესებულებათა ნების დართვით. ამ დაწესებულებებსვე მიენდობა, თუ საჭიროებამ მოითხოვა, გზით მოსულ საქონელზე დიზინფექციის ვაკეთებაც. მიწათ მოწყობის და მიწათ მოქმედების მთავარ მართველს შეუძლიან თანახმად კომიტეტების მოხსენებისა აკრძალოს ვაზის ნერგებისა და მისი ნაყოფის და სხვა ნაწილების შემოტანა საზღვარ გარეთიდან იმ რაიონებში, რომელნიც სად რაიონებათ ითვლებიან და აგრედვე იმ რაიონებში, სადაც ფილოქსერა თუმცა არის გაჩენილი, მაგრამ ჯერ კიდევ შეიძლება ამ რაიონის განთავისუფლება ფილოქსერისაგან, თუ წესიერად შევებრძოლეთ.

8. ფილოქსერიან ადგილებში, რომელთ დაცვას აზრი აღარა აქვს, შემოტანა ცოცხალი მცენარეების და მათ შორის ვაზის რქებისაც და ნამყენებისაც ყველა იმ ქვეყნიდან შეიძლება უმოწმობით ფილოქსერის შესახებ, რომლებიდანაც ნებადართულია საზოგადოდ მცენარეების გამოწერა, ხოლო იმ საბაჟოებზე გამოტარებით კი, რომელთაც დანიშნავენ მიწათ მოწყობის და მიწათ მოქმედების მთავარი მართველი და ფინანსთა მინისტრი ერთერთმანეთთან შეთანხმებით.

9. განკარგულებანი და დადგენილებანი, რომელთაც მიწათ მოწყობის და მიწათ მოქმედების მთავარი მართველი მოახდენს 1, 7 და 8 მუხლების თანახმად, უნდა გამოცხადებული იქმნენ საჯაროდ სენატის საშუალებით.

### თავი III

ზემოხსენებული დადგენილებანი (იხ. თავი I და II) ამ კანონის დამტკიცების დღეიდან ერთი წლის განმავლობაში უნდა შევიდნენ ძალაში და სავალდებულო გახდნენ თანახმად მიწათ მოწყობის და მიწათ მოქმედების მთავარ მართველის განკარგულებისა, რომელიც უნდა გამოცხადებულ იქმნეს საჯაროდ სენატის საშუალებით.

თავმჯდომარე სახელმწიფო საბჭოსი (ხელს აწერს) მ. აკიმოვი.

თუ ჩაუკვირდები, მკითხველო, ამ ახალ კანონს, ადვილად შეამჩნევ, რომ ბევრი რამ არის მასში გამოურკვეველი, ბევრნაირად არის იგი ნაწვალები, მაგრამ მაინცა და მაინც პირი ხალხისაკენ აქვს მიქცეული. სამეურნეო საქმეებში თადარიგის მიცემა ცოტათ თუ ბევრად ადგილობრივ საზოგადოებაზეა გადატანილი.

გ. რცხილაძე



# ნ ი ა დ ა გ ი

**ნიადაგისაგან წყლის შეშრობა.** აი-ღეთ რომელიმე ნიადაგის მიწა, გააცხელეთ ცეცხლზე ღონივრად, აწონეთ შემდეგ და დაფხენილი გაშალეთ თხლად თუნდა ოთახში სადმე. რამდენიმე ხნის შემდეგ ეს მიწა ისევ აწონეთ და ნახავთ რომ წონა მომატებია. ზედმეტი წონა მიწას მიეცა იმიტომ, რომ მან წყლის ორთქლი შეიკრიფა, წყალი შეიშროა ჰაერიდან.

ყველანაირი ნიადაგები ერთ ზომის წყალს არ იშრობენ. ყველაზე მეტს იშრობს ნეშომპალი, მერე თიხნარი და ყველაზე ნაკლებს ქვიშნარი.

კარგი შავი მიწა თავის წონის 10% წყალს აიშრობს, ქვიშნარი კი მხოლოდ 2%. აქედან შეიძლება გადავიწყვიტოთ რომ შავ მიწაზე მცენარეები უფრო ნაკლებ შეიმჩნევენ გოლვას, ვიდრე ქვიშნარ ნიადაგებში, რომ შავი მიწა თავის წონის 10%-მდე შეშრობილ წყალს გაუნაწილებს მცენარეებს გოლვის დროს, მაგრამ ასეთ მოლოდინს არ ამართლებს ცდა და დაკვირვება. პირიქით გოლვაში მცენარეები შავ ნოყიერ მიწაზე უფრო მალე ჭკნებიან, ვიდრე ვიშნარ ნიადაგებზე. ეს პირველ შეხედვით დაუჯერებელი მოვლენა აიხსნება იმითი, რომ ნიადაგები **შეშრობილ** \*) წყალს არ უთმობენ მცენარეებს. შავი მიწა და ქვიშნარიც რომ განიცდიდნენ

\*) **შეშრობა** (გიკროსკოპია) ერთს ნიშნავს **გაუქვნივარე** მეორეს. ნეშომპალი მეტ წყალს იშრობს, ვიდრე თიხნარი, ხოლო გაუქვნივაში თიხა მეტ წყალს შეიკრავს, ვიდრე ნეშომპალი.

ერთნაირ გოლვას და ამგოლვით ორთავეს მხოლოდ-ღა 10% წყალი შერჩეთ, შავი მიწა ამ წყლიდან ნატამალსაც აღარ დაუთმობს მცენარეებს, რადგან თვით იშრობს ამ ზომის წყალს, და ქვიშნარი კი ჯერ კიდევ ნახევარზე მეტს შერჩენილ წყლისას გაუნაწილებს მცენარეებს, რადგან თითონ მარტო 2% იშრობს.

**ნიადაგის წყალი.** ნიადაგში ზოგან ძალიან ღრმათ, ზოგან კი ჰატარა სიღრმეზე მუდამ არის მდინარე წყალი, მაგრამ მცენარეები ამ წყლით იშვიათ შემთხვევაში სარგებლობენ, რადგან რაც უნდა კაი **კაპილიარები** იყვნენ ნიადაგში, წყალი დაბლიდან მაღლა ერთსაქენზე მეტს მაინც ვერ ამოვა ზევით. დათესილი მცენარეების ფესვები კი მომეტებულ შემთხვევაში **ნახევარ** საქენზე ქვევით არ ჩაღიან ნახნავში.

მეორე მხრით, თუ საკმაოდ ღრმათ არ არის ნიადაგის წყალი, მაშინ იგი ყველა იმ ფოსო-ფულუროებს ავსებს ნიადაგში, სადაც ჰაერი უნდა იმყოფებოდეს და არა წყალი, რადგან წინააღმდეგ შემთხვევაში ეს ნიადაგი კი არა კაობი იქნება, რომელშიაც კულტურული მცენარეები ვერა ხარობენ.

**რა მნიშვნელობა აქვს ტყეს ნიადაგის სინესტის შენახვაში.** ყველაზე მეტად ნიადაგს ახმობს ქარი, თუ მეტადრე თბილიც არის და მშრალიც.

როცა მინდორს ტყე აფარია, მაშინ ქარი ისეთი ძალით ვეღარ უბერავს და

ვერც ისედა აშრობს-ახმობს მოფარებულ მინდორს, რადგან თვით ქარი წელდება, გრილდება და ნესტიანდება ტყის წყალობით.

დაჩრდილოელი ადგილი ტყეში მინდორთან შედარებით გვიან თბება გაზაფხულის მზის სხივებით. ზამთარში დადებული თოვლი აქ უფრო მძიმე-მძიმეთ დნება, ნიადაგს უჯდება, თოვლის წყალი ნაკლებათ მიდის ღვარებათ, ნაკლებათ ორთქლობს ჰაერში, ვიდრე ეს აორთქლება ტრიალ მინდორზე ხდება და სხვა.

ყველა ამ მიზეზებისა გამო ტყეში უფრო გრილა.

ამიტომ ცხელი ქარი, როცა მას ტყე ხვდება გზაში, ცოტა არ იყოს გრილდება, ნესტიანდება და მოფარებულ მინდორს ისე ვეღარ გამოგოლავს ხოლმე.

გარდა ამისა შემჩნეულია რომ სადაც ტყე არის, იქ ზაფხულობით წვიმაც ხშირად მოდის შედარებით. უფრო ხშირი წვიმა ტყის სიახლოვეს იმითი აიხსნება, რომ ტყის ასწვრივ მალლა ჰაერი უფრო გრილია და როცა ამ ალაგს ღრუბლები მოხვდებიან, მეტად ცივდებიან, წყლის წვეთის ბუშთები იკუმშებიან, ერთმანეთს შეუერთდებიან, მძიმდებიან და აქვე ახლო-მახლო ჩამოიღვრებიან წვიმად.

## სითბოს მნიშვნელობა ნიადაგი-

### სათვის

ერთად-ერთი წყარო, რომლიდანაც ნიადაგი ღებულობს სითბოს ეს მზის სითბოა. სხვადასხვა გვარი ნიადაგები, თუნდაც რომ ერთნაირ პირობებში იყვნენ, ერთნაირად მაინც არა თბებიან

მზის სხივებით. ქვიშნარი, მაგალითად, უფრო მალე თბება თიხნარ ნიადაგზე. განსხვავება ნიადაგებს შორის ამ მხრივ სხვადასხვა მიზეზებზეა დამოკიდებული. ერთი ამ მიზეზთაგანი ნიადაგის ფერია. შემჩნეულია რომ შავი მიწა უფრო ხარბად ითვისებს მზის სხივებს, ვიდრე თეთრი, ყვითელი და სხვა ფერის ნიადაგები.

მეორე მიზეზი ნიადაგის სინესტეა. რაც უფრო ნესტიანია ნიადაგი, იმდენი იგი მძიმეთ თბება, ჯერ ერთი იმიტომ რომ თვით წყალი ძნელი გასათბობი შედარებით და მეორე—რომ ნესტიანი ადგილიდან უფრო მეტი წყალი ორთქლობს ჰაერში და აორთქლების დროს კი, როგორც ვიცით, სითბო ბლომად იხარჯება და ამისა გამო ზედაპირი, საიდანაც ეს აორთქლება ხდება, მეტად ცივდება.

ჩვენ ვაცით რომ ნიადაგი დღისით თბება, ღამით ცივდება. დღისით იგი მზის სხივებს ითვისებს, ღამე კი თვით ნიადაგიდან წარმოსდგებიან უჩინარი სითბოს სხივები. გამოკვლეულია რომ ის ნიადაგები, რომელნიც უფრო მეტად თბებიან მზეზე, მეტადაც ცივდებიან შემდეგ. ამ გათბობა-გაცივებით ნიადაგებს უფრო მეტად განსხვავებული მდგომარეობა ეძლევათ. შავ მიწას და ქვიშნარს უფრო მეტად განუსხვავდებათ ტემპერატურა დღისით და ღამით, ვიდრე თიხნარებს ან ნესტიან ნიადაგებს, თუმცა საერთოდ რომ ვსთქვათ ზაფხულობით პირველგვარ ნიადაგებში უფრო მეტი სითბო დატრიალდება ხოლმე, ვიდრე მეორეგვარ ნიადაგებში, რადგან ზაფხულში დღე დიდია ღამეზე.

ნიადაგის გათბობა-გაციებაში დიდი მნიშვნელობა აქვთ ღრუბლებს და ჰაერის სინესტეს.

რაც უფრო ნესტიანია ჰაერი, იმდენი მეტად იკერს იგი მზის სხივებს, მაგრამ ამავდროს აღარც დედამიწის სითბოს უშვებს ზევით. ამით აიხსნება ის მოვლენა რომ რაც უფრო მეტად არის რომელიმე ადგილი დაშორებული ზღვიდან, რაც უფრო ხმელ ჰაერშია იგი, იმდენი მეტად განსხვავდება ხოლმე ტემპერატურა ამ ადგილისა დღისით და ღამით, დღისით მეტად ცხელა, ღამე მეტად ცივა.

ღრუბლებს ხომ უფრო მეტი მნიშვნელობა აქვთ ამ შემთხვევაში, ვიდრე ჰაერის ნესტს, უმეტესად გაზაფხულზე და შემოდგომაზე, როცა ნიადაგი დაძრება ხოლმე ზოგჯერ და მცენარეებიც ძრებიან. ხშირად მომხდარა რომ დიდ ტრიალ მინდორზე ნათელ ღამეში მთელი ნათესობა ამომძრალა და მხოლოდ ალაგ-ალაგ კორომ-კორომი ადგილები გადარჩენილან სიმძრალეს იმის გამოისობით რომ ზვიდან პატარ-პატარა ღრუბლები წამოფარვიან ამ ადგილებს და თბილად შეუნახავთ, როგორც შეენახება ხოლმე სითბო გამობარ წყალს ქვაბში, როცა ხუფი აქვს ზემოდან გადაფარებული. ამგვარი მოვლენით ხელმძღვანელობენ ისინი, ვინც გაზაფხულის ცივ ღამეებში ვენახებსა და მინდვრის მოსავალს ცეცხლს უნთებენ და დიდ ბოლს აყენებენ რომ გადაეფაროს იგი ზემოდან ვენახს ან მოსავალს და გადაარჩინოს სიმძრალეს.

ნიადაგის გათბობა-გაციებაში მნიშვნელობა აქვს აგრედვე ადგილის მდე-

ბარეობასაც. სწორეა მდებარეობა ადგილისა, თუ დაქანებული; დაცემულია, დაბალია, თუ მაღლობზე დევს; სამხრეთისაკენ იყურება, ყუდრო ადგილია, თუ არა და სხვა.

სამხრეთისაკენ დაქანებული ადგილი უფრო მეტად თბება მუდამ, ვიდრე სწორე ადგილი ან დასავლეთისაკენ, აღმოსავლეთისაკენ და ან ჩრდილოეთისაკენ მიქცეული. ხოლო ხეხილების დასარგავად კი, რომელნიც სიცვეს ვერ იტანენ, ხშირად დასავლეთისაკენ დაქანებულ ადგილს რჩებენ, რადგან მცენარეები ზოგჯერ იმიტომ კი არა ძრებიან რომ დიდი სიცვიეები ღვება, არამედ იმიტომ რომ თოვლს მალე აიღებს ხოლმე, ნიადაგს საფარი აღარ აქვს და ღამ-ღამობით ნიადაგი ძრება და აძრობს მცენარის ფესვებს.

ნიადაგის გათბობა-გაციებაზე ხან იმასაც დიდი გავლენა აქვს, ადგილი მაღლობია, თუ დაბლობი.

როდესაც ზამთრის კაშკაშ ღამეში ძრიელ ცივდება დედამიწა, ცივდება აგრედვე ის ჰაერიც, რომელიც მიწის პირას არის. მაღლობი ადგილიდან გაციებული აჰერი, როგორც მძიმე, ჩადის დაბლობში, სადაც ამგვარად უფრო სქელი შრე კეთდება ცივი ჰაერისა. ვინც ნატარია იმან კარგად იცის, რომ ჩავარდნილ ღრმა ღელე ადგილებში უფრო ცივა ხოლმე, ვიდრე ბექურებზე. ხოლო ამას ისიც უნდა დავუმატოთ, რომ ზოგჯერ სიცვეს დიდი სუსხი ეძლევა არა იმიტომ რომ სითბოს უჩინარ სხივებს აქვთ ბლომად ეს სითბო დედამიწიდან მაღლა, არამედ იმიტომ რომ ამ ადგილზე ცივი ქარი იცის ხშირად,

რომელიც დაბლობებს ნაკლებად ხვდება. ვისაც თვალყური უდევნებია, იმას აღბად არა ერთხელ შეუმჩნევია, რომ დაბლობი ადგილები ღამით დაუთრთვილავს და მაღლობები არა, ზოგან კისერებზე გაუგდია თრთვილი და დელებში არა. პირველი მომხდარა იქ, საცა ღამე უქარო იყო, მეორე—სადაც ქარი ქროდა

ზემოთ ჩამოთვლილ გარემოებებზე არა ნაკლები მნიშვნელობა თოვლსა აქვს ნიადაგის სითბოს შენახვაში.

ცივ ღამეში, როდესაც მაგალითად ტერმომეტრი— $20^{\circ}$  გვიჩვენებს ჰაერში, ტემპერატურა ნიადაგისა, რომელსაც ზემოდან ორი ვერშოკის სისქეზე თოვლი აქვს წახურული, ხშირად— $10^{\circ}$ -ს არ აღემატება ხოლმე. რაც უფრო სქლად იდება თოვლი, იმდენი, ცხადია, უფრო მეტად შეენახება სითბო ნიადაგს.

ხოლო მცენარეებისათვის კი ყოველთვის მარტებელი არ არის დიდი თოვლი.

შემოდგომაზე დათესილ მცენარეს სიცივისა არ ეშინიან, თუ ძალზე არ აცივდა. თოვლი მოსავალს მშვენივრად იფარავს სიცივისაგან. მაგრამ თუ ნიადაგი ჯერ ცოტათი არ მოყინა და ისე არ დათოვლა, არამედ მომხვალ მიწა დაიფარა ხანგრძლივ დიდი თოვლით, შემოდგომის ნათესობა ადვილად შეიძლება შიგ ამოღოვს და მოსავალი მოსცდეს.

### ნიადაგის ჰაერი

იმის გარდა რომ უჰაეროთ ნიადაგში შეუძლებელი იქნებოდა მომხდარიყო მეტი წილი იმ ქიმიური მოვლენებისა,

რომელნიც შიგ მყოფ ორგანიულ ნივთიერებათა გახრწნა-დაშლაში წარმოსდევებიან, ჰაერი ნიადაგში საჭიროა აგრედვე მცენარეების ფესვების სუნთქვისათვისაც.

შედგენილობა ნიადაგის ჰაერისა ჩვეულებრივ ჰაერთან შედარებით, რომელსაც ჩვენა ვსუნთქავთ, იმით განსხვავდება რომ პირველში ჰაერგვარი ნახშირმჟავე უფრო ბლომათ არის, ვიდრე მეორეში და მასთან მით უმეტესია, რამდენიც ბლომად ურევია ნიადაგს ორგანიული ნივთიერებანი, რომელნიც შიგ იხრწნებიან-იშლებიან. თუმცა მცენარე ნახშირ-მჟავეს როგორც საკვებას ატმოსფერიდან იღებს და ნიადაგში მყოფ ნახშირ-მჟავეს ამისათვის არ საჭიროებს, მაგრამ მაინც ამ ნახშირ-მჟავის მეტ-ნაკლებობას დიდი მნიშვნელობა აქვს, რადგან ნიადაგის ნახშირ-მჟავე ატმოსფერისას ემატება და იგი იქ ულევად არის ხოლმე. ასეთივე დიდი მნიშვნელობა ეძლევა მჟავებადასაც ნიადაგში, როგორც მცენარის ფესვების სუნთქვისათვის საჭირო მასალას.

თუ მივიღებთ მხედველობაში: 1) როგორი ენერგიით ხდება გაფხვიერებულ ნიადაგში ყოველი ქიმიური მოვლენა, 2) როგორ ადვილად გადიგამოდინ მცენარის ფესვები ამგვარ ნიადაგში და 3) რა სიადვილით ჩადის ზემოდან წყალი ამგვარ ნიადაგში და ერთხელ ჩასული როგორ დიდხანს ენახება მცენარეებს, — აშკარად მივხვდებით იმ დიად მნიშვნელობას, რომელიც ნიადაგის წესიერ დამუშავებას აქვს მოსავლიანობაში.

### ვ. გულბათიშვილი



# წერილი სამსახურთან

ბ-ნო რედაქტორო!

დიდი სიამოვნებით წავიკითხე „მოსავალი“-ს მე-8, 9... №№-ები, სადაც, შეცნობების ყოველ დარგიდან ქართულ ტერმინების შეგროვებას აცხადებთ ლექსიკონის შესადგენად; საქმესაც უკვე შესდგომიხართ და სანიშნუშო ტერმინებიც მოგიტავსებიათ ჯერ მცენარეთა დარგიდან.

ვინ არ იცის, საქმე ფრიად სასარგებლოა და მართლაც დიდ სამსახურს გაუწევს ჩვენს ლიტერატურას.

საზოგადოდ ლექსიკონის შედგენა თითქმის აუტანელ შრომას და ძევაკვლევას თხოულობს. უფრო ძნელია მისი ხშირად გამოცემა, მეტადრე ქართულად, იმ დიდი ხარჯის გამო, რომელსაც ამგვარი გამოცემა თხოულობს.

ამისათვის საჭიროა, რომ ლექსიკონი თავიდანვე გონივრული და დაკვირვებული შრომით შემუშავდეს, რომ შეცდომები არ შეგვეპაროს შიგ, რადგანაც ოცი წლობით ვეღარ შევიძლებთ დაბეჭდვას.

თქვენი რედაქციის გამოცხადებით ვისაც მოეპოება შეგროვილი ტერმინები, სთხოვთ მათ მოგაწოდონ, მე კი წინააღმდეგი ვარ ასეთი ზეპირად შეგროვილი ტერმინების მოწოდებაზე, მეტადრე მცენარეთა დარგიდან, რადგან ადვილად შესაძლებელია, რომ ნახევარი შრომა შეცდომა იყოს. მე იმ აზრისა ვარ რომ ჯერ ერთ პროვინციაში შევაგროვოთ თვით მცენარეები, ჩავაწყობთ საგანგებოდ დიდ რვეულ-

ში, სახელწოდებანი გვერდზე მიუწეროთ, განვამარტოთ აქვე თუ რა თვისებისა არიან იგი მცენარენი: სამკურნალო, საქმელად ხმარებული, შხამიანი თუ უბრალო, — შემდეგ ეს კოლექცია მეორე პროვინციის მცენარეებს შევადაროთ. თუ მეორეში სხვა რომელიმე სახელს უწოდებენ, ისიც დავნიშნოთ. ასევე განიმეორება მესამეში, მეოთხეში და ამნაირად შედგენილ ლექსიკონში შეცდომები აღარ შეგვეპარება.

აი დასამტკიცებელი საბუთები ზეპირად შეგროვილი ტერმინებისა, რომ შეცდომების შეპარება აუცილებელია: მაგალითად ჯორიძეა, მოლოქა და ქარქვეტი, იხ. „მოსავალი“-ს № 9, რომლებიც თქვენ უბრალო ბალახების ცხრილში მოგიტავსებიათ, იგივე ბალახები სამსახურთაში უბრალო ბალახებად არ ითვლებიან. ჯორიძეა ქლეკიანებისათვის სახმარებელი წამალია და მის ნახარშ წყალში დაქარიანებულთ აბანებენ ხოლმე, მაშასადამე ჯორიძეა სამკურნალო ბალახია და არა უბრალო; მოლოქას სამსახურთაში ჰქვიან კორიკოტინა და იგი საქმელად ხმარებულია, მაშასადამე მოლოქა გინა კორიკოტინა მხალეული ბალახი ყოფილა და არა უბრალო.

ქარქვეტას სამსახურთაში წნილად სდებენ და მხალადაც ხმარობენ, მაშასადამე ესეც საქმელად ხმარებული არის და არა უბრალო ბალახი.

„მოსავალ“-შივე იმავე №-ში ვკითხულობთ უბრალო ბალახების ჯგუფ-

საუურადღებო ცნობები

ში „ლოლო“-ს. ამის მინაგვარი სახელით სამეცხეთოში არის ბალახი, „ღვლო“, არ ვიცი, „ლოლო“ და „ღვლო“. ერთი ბალახის წოდებაა, თუ სხვადასხვა ბალახისა. ამას გავიგებთ ხოლო მაშინ, როდესაც კოლექციაში მოთავსებულ „ლოლოს“, სამეცხეთოში „ღვლოს“ შევადარებთ.

გთხოვთ უმორჩილესად, ბ-ნო რედაქტორო, ეს წერილი დაბეჭდო „მოსავალ“-ში და მასთანავე თქვენი აზრიც გამოსთქვათ. თუ შეუწყნარებელი დარჩება ეს ჩემი აზრი, გთხოვთ ისიც დაუჩაბოთ და იმ შემთხვევაში მე მოგაწვდით ჩემ მიერ შეგროვილ მცენარეების სახელებსაც და შეუერთეთ ლექსიკონს.

კ. გვარამაძე

**პასუხი.** — შეგროვილ სახელწოდებებს იმიტომ ვებეჭდავთ ჟურნალში სათაურით: „მასალა სამეცნიერო სიტყვათ-კრებულის შესადგენი“, რომ

რაც გინდა ძალიან ვიფრთხილოთ, მაინც დაბეჭდილს შემდეგში შესწორება დასკირდება და ყოველი ცნობა შეცდომის შესასწორებლად მოწოდებულიც მასალა იქნება.

ძალიან კარგი იქნებოდა, რომ სახელწოდებული მცენარეების გერბარი შემდგარიყო, მაგრამ ვის დაევალოთ ეს საქმე?

რედაქცია თხოულობს მხოლოდ იმას, რაც ადვილი შესასრულებელია: ვისაც აქვს შეგროვილი ქართული სახელწოდებანი, მეცნიერების რომელი დარგინაც გინდა იყოს, გამოუგზავნოს რედაქციას გამოსაყენებლად.

ამა თუ იმ ბალახის საკმელად ან წამლად ხმარება ჩვენი ქვეყნის რომელსამე კუთხეში ჯერ კიდევ საკმარისი საბუთი არ არის მცენარის ამა თუ იმ დარგში მოგცევისა.

რედაქცია.

საუურადღებო ცნობები

**განავითიანებული ჭურჭლის გაწმენდა.** განავითიანებული ჭურჭელის გასაწმენდათ, რომ ნავთის სუნი აღარ ჰქონდეს, ასე უნდა მოვიქცეთ: ავიღებთ წყალ-დაუსხმელ კირს

- 1 ბოთლზე . . . . . 1 მისხალს
- ან 1 ბოჩკაზე . . . . . 1 გირვანქას

ჩავასხამთ განავითიანებულ ჭურჭელში წყალს, ჩავყრით შიგ კირს, შევაჭანჭყარებთ კარგად, დავტოვებთ ასე რამდენიმე ხანს, მხოლოდ დრო გამოშვებით კიდევ უნდა შევაჭანჭყაროთხოლომე, მერე წამოვღვრით კირწყალს და სუფთა წყლით გამოვრეცხავთ ჭურჭელს. თუ განავითიანებული ჭურჭელი ხისაა, კირწყალი შედარებით მეტ ხანს უნდა დარჩეს შიგ, შუშის ჭურჭელი კი მალე ჰკარგავს ყოველივე სუნსა და გემოს ნავთისას.

**ტყავის გაწმენდა.** სულ უბრალო საშუალება ტყავის გასაწმენდი ასეთია: შავი ტყავის გასაწმენდათ აიღებენ კვერცხის ცილას გასთქვეფენ კარგად, მიუმატებენ ცოტა საყვას, გადასწმენდენ ტყავზე ჯერ მტვერს და მერე ამ წასამელს წაუსვამენ და პატარა მაუდით გახეხავენ. ტყავი ყველგან ერთნაირად აბჭყვრილდება შავად. თუ ფერადია ტყავი, ათქვეფილი ცილა უნდა უსაჯოთ წაესვას და ისევე გაიხეხოს-გაიწმინდოს.

**დაუხანგებული დანა-ჩანგლის გაწმენდა.** დაუხანგებული დანა-ჩანგლის ან სხვა რაიმე ნივთების ან ფოლაღეულობის გაწმენდა ასე შეიძლება მოვახერხოთ ალვილად: ჩავაწყობთ რკინეულობას ქლორიან კალს ხსნილში (აფთიაქის მაღაზიაში იშოვება) 6—12 საათით, მერე ამოვიღებთ იქიდან და ან ცარცით გავ-



ხეხამთ-გავამშრალებთ, ან და, უფრო უკეთესი, ნაშატირის სპირტში ამოვრეცხავთ.

ქლორიანი კალა რკინეულობას აფუჭებს. ამიტომ როცა დანა-ჩანგალს ხსნილიდან ამოვლავებთ თუ ცარცს ვიხმართ უნდა კარგავავებნოთ, რომ ქლორიანი კალა სრულებით არ შეჭყვევს.

**მელნის დაქის ამოყვანა ტილოდან.** გახსნიან ცხელ წყალში:

- 20 გრამს ღვინის ხაშურს (ВИНОКАМ. СОЛЬ)
  - 10 " ალატუნს (სახამებელს წაგავს)
- და ამ ხსნილში ამოვრეცხავენ ტილოს, სადაც დალაქავებულა. ლაქა თანდათან შორდება ტილოს და ტილო კი არცა ცვდება და არც სხვანაირად ფუჭდება სრულებით.

# განცხადებანი

მთელ კავკასიაში პირველი სპეციალური **ელექტრო-მხანაიკური** დაწესებულება

## ა. ლიუგა

ტფილისი, მიხაილავის ქუჩა, № 140, რომელიც ამზადებს მეფუტკრეობაში საჭირო ყველანაირ იარაღებსა და ავეჯეულობას.

**ღმლა-ფუტკრის გავრცელება ხელოვნურად, წიგნები და სახელმძღვანელოები მეფუტკრეობის შესახებ.**

აქვე ყიდულობენ და ჰყიდიან **თაფლს და წინდა სათელს.**

პრეისკურანტი უფასოთ.

სახელმწიფო ქონებათა და მიწათ მოქმედების სამინისტროს კომისიონერი **მ. მ. ფრიდოლოვი** ტფილისში.

## აკარასები და ნაგლევი გელ-ვენახევის შესახებ ლავად

სუფთა შაბიამანი ცნობილი მაკლესფილდისა და სხვა ფირმებისა.

**გოგირდი** მარსელისა და პირდაპირ იტალიიდან გამოწერილი სხვადასხვა ფირმებისა და ჩვენი საკუთარი ფირმისა.

**ნამდვილი უვინფურტის მწვანე წამალი** ბლენდელის ფაბრიკისა ლონდონში.

**პულვერიზატორები** (შესასხურებელი აპარატები) მონსერვიესი, ვერმორელისა და სხვა ფაბრიკებისა.

მზად გაკეთებული პარაშოკი ვაზებზე და ხეხილებზე შესასხურებლად სოკობისა და მწერ-ჭია-მატლების წინააღმდეგ „**მალერი**“ სხვადასხვა ფაბრიკებისა.

**შურძნის საწურავები** (პრესები) მაბილიესი, მარმონიესი და სხვა ფაბრიკებისა.

**ღვინისა და სპირტის ამოსაღები ნანოსები ანუ პრეპრეპი** გვილებოსი.

**ღვინის გასაშინჯი აპარატები** სალერონ-ჯურდენისა.

**ვაზების შესაყელი და ახახვევი რაში.**

**აზბესტის ფილტრები** მალოვიჩის, რუეტის და სხვა ფაბრიკებისა.

**აცეტილენის ფარნები მალალ კოშკებზე** ასანთები მედლუზასი.

კანტორა კისრულობს სხვა ყოველი გვარი იარაღებისა და მაშინების გამოწერასაც, რომელიც კი საჭირონი იქნებიან მევენახე-მეღვინეებისათვის, მებაღეებისათვის და ყველა სხვა მეურნეთათვის.

დაწერილებითი ცნობების მისაღებათ მსურველნი მიმართავენ **მ. მ. ფრიდოლოვს ტფილისში.**

კატალოგები უფასოდ.

რედაქცია-გამომცემელი **ვ. ი. რცხილაძე**